

գայցեն Զ եկեղեցոյ արքն, եւ ամենեքեան մի՛ խօսսարասցեն, կրկին աւիրի բանն. աղաչանօք եւ պաղատանօք խաբանեցին զայս: Եւ օրս Դչի բերին զնա և բազում նախատինս և արհամարհանք տվեալ վարդապետն նորա եւ թքեալ<sup>1)</sup> ծեծեալ թէ Քանի՛ քանի՛ զայս գործս գործես. դու չէի՞ր այսպէս եւ այնպէս առնողն<sup>2)</sup>. յորմէհետէ արարեալ էր զչարութիւնն: Զայնօտիկ զամենայն առաջի նորա եդեալ առաջի ժողովրդեան իւր, և յետին բանն պատուիրեալ թէ Զաղաւնին թո՛ղ հանէ ի տանէ. և նա ասացեալ թէ Իմ չէ աղաւնին. եւ վարդապետն ասացեալ՝ Առանց քո կամացն ոչ կարէ որդին քո պահել աղաւնի: Եւ ժողովուրդքն ամենայն ի մի խօսս եկեալ, բազում աղաչանս և պաղատանս արարեալ վարդապետին թէ Թո՛ղ հանէ ի տանէն. եւս եւ Սէֆէր պալին՝ որդի իրիցու, նա ի յոտս անկեալ վարդապետին թէ Խնայեա՛ յալիսն իմ: Եւ յետ բազում բանից հազիւ զմիտս հաճեցեալ վարդապետին, եւ ելեալ տայ զարձակումն: Եւ ապա ձայնեն զԹւլթւլն, քանզի Իպրահիմ Զէլէպին էր միջնորդ բանիս, եւ եղեւ այս կամաւ մերայնոցս, թէ ոչ՝ հնար ոչ գոյր փրկութեան նոցա ըստ չարեաց նոցա: Եւ զայս խորհեցան թէ Գուցէ մի ևս չար ոչ ծնուցանեն. եւ յառաջագոյն պատուիրեցին զի մի բերցեն ընդ ժողովրդեանն զԹւլթւլն և զՊարմախսուզն եւ զայլ չարսն, զի մի ևս բանք նոցա աւերեսցի: Եւ ապա ձայնեցին զԹւլթւլն, եւ բազում բանս պատուիրեաց նորա թէ Դու մի՛ այլ կամ աթուռակալութեան կամ երեսփոխանութեան մէջն խառնիս, և կամ խառնիս<sup>3)</sup>՝ այնուհետև զքեզ անուծանելի կապանօք կու կապեմք յերկինս և յերկրի: Եւ նա աւսէ թէ Լինի թէ մի վարդապետ գայցէ և հարկիւ մու-

1) թք.

2) առնողքն.

3) խառնես.